

之及其沒。無復忌憚。勸勝賴數出兵。四隣倍畔。終

以至亡。甲陽軍鑑

論曰。高坂昌宣。事武田氏。嘗得怯懦之名。其陷堅
摧銳。不如山縣昌景。應變出奇。不如馬場信房。而
深慮持重。以國家為憂。數犯顏盡忠規。則二人之
所不及也。信玄之攻小田原也。昌宣諫之。以為危
道。信玄雖不從。然嘉其忠讜。蓋亦知犯險深入。敵
地。非萬全之策也。信玄在世。號為勅敵者。無如上
杉氏。海津城當上杉氏之衝。信玄舍二人。而獨使


昌宣守之者。豈非亦以深慮持重之故耶。

不魚金
卷之二
三十三
同日巳時序

281
/

名節錄卷之一

--	--	--	--	--	--	--	--	--	--





名節錄

二

雜
史
七
三
六
三

281

0 1 2 3 4 5 6 7 8 9



名節錄卷之二

宇佐美定行

宇佐美定行。其先曰宇佐美祐茂。仕源賴朝。以功
賜食邑伊豆。定行其十五世孫也。父曰孝忠。徙越
後琵琶嶋。仕上杉房能。永正六年。房能臣長尾爲
景。叛弑房能。奪越後。時孝忠旣沒。定行起兵琵琶
嶋。討爲景。兵結至十三年不解。大永元年。上杉憲
房。上杉定實。諭兩家息兵。於是定行與爲景和。天
文七年四月。爲景略越中。定行從焉。以部兵攻拔

松倉城爲景與神保良衡。椎名泰種等戰仙壇野。敗死。衆大擾。定行自松倉城赴援。擊敵兵卻之。收敗卒還。爲景四子晴景。景康。景房。景虎。景虎爲人勇悍。諸將多屬意。而老臣胎田常陸擁晴景爲亂。殺景康。景房。定行與景虎乳母夫本莊慶秀助景虎擊晴景殺之。盡平餘黨。定越後。景虎旣立。承上杉憲政後。肩。上杉氏。更名輝虎。削髮號謙信。定行輔謙信。與武田晴信戰川中嶋。功最居多。永祿七年。謙信忌姊夫長尾政景。陰使定行圖之。定

行固諫。不聽。定行乃誘政景。俱遊野尻湖水。乘漏船同溺。謙信揚言以私憾相關。收其采邑。養政景子景勝爲嗣。定行自少好潔齋。年五十七不娶。謙信勸其畜妾。生二子。曰定勝。勝行。後遣其妾。不復近婦人。定勝與甘糟清長。柿崎景家。拒北條氏兵於武藏。死于上尾。勝行爲嗣。稱民部。天正六年。謙信卒。景勝立。勝行欲立功贖父罪。常潛從軍。十一年。景勝討新發田。因幡。勝行潛從。獲二甲首。因平林某請謁。景勝以定行故不許見。朝鮮之役。屬小

西行長攻平壤。斬明將史儒。獻其首於豐臣秀吉。秀吉賜書賞之。後避仇歸匿越後。關原之役。赴難於會津。事平。復匿越後。大阪之役。豐臣秀賴招勝行。不應。尋以病沒。長子藤三郎居米澤。與人鬪。諍割腹死。次子勝興。稱造酒助。大阪冬役。潛從上杉氏將松本某。戰鷓野。夏役。隸使番村瀨左馬助。有功。事平。中納言水戶侯賴房召祿之。後有故去。終于京師。子曰大關定祐。仕大納言紀伊侯賴宣。取參

武家閑談。上杉家將士列傳。按將士列傳。以定行為祐茂十八世之孫。今從閑談。胎田常陸。一作昭

田常陸。胎昭字似。邪音亦相似。姊夫政景。一作妹夫政景。

論曰。宇佐美定行之死。余竊怪焉。謙信命定行圖政景。定行獨殺政景而可。何必與之俱死。假令政景倔強。以定行之智。豈無奇策。乃輕死同溺。而謙信亦不為少惜。則知謙信意不獨疑政景。并疑定行也。蓋謙信圖政景。非以叛也。忌其能也。政景有姊夫之親。未嘗有過失。而猶不免。定行於謙信。非有骨肉之親。又嘗與其父構兵。特以其有才略。收為帷幕之臣。而其能遠出政景之右。謙信既忌政

景是忌定行也。定行諫而不聽。而後知禍必及已。故寧死而不辭也。勝行立功贖父罪。而景勝不釋。終使君臣之間不相得。得謂非謙信誤之哉。

杉原親憲

杉原親憲稱常陸人。越後人。父曰大關親益。仕上杉氏。上杉氏將杉原憲家。養親憲為嗣。親憲從謙信有功。及謙信卒。景勝立。得罪奔會津。仕葦名盛隆。尋得釋。再仕景勝。上杉家將慶長五年。景勝老臣直江兼續與石田三成謀除東照公。勸景勝舉

兵。公討景勝東下。三成起兵美濃。將來攻之。公

聞三成起兵。途還軍。將士聞之相賀。親憲獨蹙額曰。

是乃我之不幸也。內府舍我而攻三成。三成必敗。

三成敗而後攻我。我勢孤。如何得拒之。常山紀談九月。

景勝遣兼續將兵二萬。攻最上義光。親憲監軍。兼

續與諸將議。從上野山攻山形。會幡屋城兵通款。

約內應。兼續喜。遽赴幡屋。親憲說兼續曰。幡屋末

也。山形本也。其本覆。末不攻自降。且幡屋路隘。不

復行大軍。敵或謀以幡屋餌我。急修山形守備。未

可知也。不如遣一將當幡屋。大軍直指山形。兼續

素與親憲有隙。不聽。武邊咄開書。本書兼續將一萬五千人。今從寂上記。關原

全。攻拔幡屋。使上泉主水穗村造酒等。攻上野

山。而自圍長谷堂。未下。會關原敗報至。兼續欲還

軍。恐敵追躡。與親憲議之。親憲曰。吾與溝口左馬

在前軍。固守山麓。然後使諸隊退。兼續從之。親憲

與左馬赴前軍。未成陣列。兼續遽令諸隊退兵。義

光尾之。我兵擾亂。死傷無算。親憲左馬苦戰卻之。

日暮據山而陳。義光布陣相持。是夜親憲至。兼續

營。謂曰。嚮約吾與左馬整陣。而後子退兵。則可以

萬全。子何收兵之急遽也。兼續莫以應。且日退兵。

義光又追躡。親憲據險發銃。追騎不能進。義光子

義康。以伊達氏援兵。橫擊我軍。城兵亦出戰。死傷

甚衆。親憲等力戰。終收兵還。而主水造酒等。圍上

野山。為城兵所破。死之。三成既就擒。景勝削封。敗

遷如親憲言。烈祖成績。寂上記。大阪冬役。親憲從景勝戰

鷓野。有功。東照公巡視諸營。慰勞景勝。因賜賞

書親憲。及安田須田。鑿嶋津諸將。諸將皆拜謝而

退。親憲獨留。讀賞書畢。謂本多正信曰。文意詳悉。不堪感銘。退語人曰。吾自幼從先公。劇戰垂死者數矣。而未嘗賜賞書。今日之戰。兒戲耳。而反賜賞書也。親憲爲人恢濶。有膽略。善用兵。其接人無所親疎。最愛才。以故士卒樂爲之用。又多才藝。好聯歌。嫺茶儀。景勝性寡言。過威嚴。將士進見。不敢仰視。至親憲見之。從容自如。或侍宴。酒酣興至。乃起舞。景勝亦樂之。親憲年八十餘而沒。子彌七郎。有故辭祿去。及景勝卒。子定勝立。命親憲族杉原五

郎左衛門承其後。將士列傳

小島一忠

小島一忠。稱彌太郎。性多力。仕上杉謙信。天文十一年。胎田常陸作亂。一忠從謙信而走。謙信與兄晴景。戰枳崎。及下濱。一忠從有功。當謙信與武田晴信。相持川中島。使一忠於晴信。晴信預畜獬狗。比一忠至。放之。一忠進致謙信旨。未訖。狗猝來。齧其脚。一忠自若。直以右手拉其口。徐致旨訖。復受晴信對。臨去。投狗於地。鼻口出血立斃。一忠復命。

具白其狀。謙信稱快。謙信嘗巡境內。遇渠水橋斷。不可渡。一忠乃持二丈板架渠。謙信騎以過。及謙信卒。去仕葦名氏云。上杉家將士列傳

竹股朝綱

竹股朝綱。稱參河守。上杉氏臣也。從謙信。數擊武田晴信於川中島。每戰有功。謙信卒。景勝立。天正十年。景勝使朝綱及川田長親中條景資等守魚津城。以備織田信長。四月。織田氏將柴田勝家佐佐成政等入越中。攻魚津。朝綱等堅守。景勝在關

山。聞急赴援。軍天神山。與織田氏兵相拒。五月。城中食竭。會信長遣別將侵越後。景勝聞之。収軍去。遺書城中曰。信長遣兵入我疆。我不可留。汝等宜速致城歸。城中得書。議曰。乞降致城。雖君命不可從。唯當自殺以報國爾。六月二日。諸將夜訣飲。朝綱照燭再讀書。拜曰。吾雖不肖。為上杉氏世將。自古死難者。恥為敵所獲。自殺後。或縱火燒屍。使敵不能辨。死同犬馬。非我意也。我死後。勿火城。勿匿屍。使敵易辨。使天下後世知我節。於是具記已